



## NSR ČÁLLINGODDEJODIHEADDJI INSTRUKSA

Instruvssa ulbmil lea čilget Norgga Sámiid Riikkasearvvi (NSR) čállingoddejojdiheaddji ovddasvástádusa ja barggu.

Dása lassin lea čállingoddejojdiheaddji bargošiehtadus sierra siehtadus čállingoddejojdiheaddji bargguid birra sullii jahkái hávális.

### SISDOALLU:

1	ČÁLLINGODDEJODIHEADDJI BARGGUT ja GEATNEGASVUOĐAT RIKKASTIVRRA EKTUI.....	2
1.1	Čállingoddejojdiheaddji barggut.....	2
1.2	Eambbo čállingoddejojdiheaddji bargguid birra .....	3
1.3	Stivraáššiid ráhkkaneapmi .....	4
1.4	Searvanvuoigatvuohta stivrii .....	4
1.5	Čilgengeatnegasvuohta .....	5
1.6	Čállingoddejojdiheaddji ovddasvástádus stivramearrádusa čađahit .....	5

# 1 ČÁLLINGODDEJODIHEADDJI BARGGUT ja GEATNEGASVUOĐAT RIKKASTIVRRA EKTUI

## 1.1 Čállingoddejodiheaddji barggut

Čállingoddejodiheaddji virgáduvvo 4 jahkái hávális. Čállingoddejodiheaddji doaimmaha riikkastivrra ja nuoraidlávdegotti čállingotti dáid olis; instruksa, bargošiehtadus, njuolggadusat ja ovttaskas mearráduusat.

Čállingoddejodiheaddji galgá buoremus lági mielde fuolahit lihtu materiálalaš ja immateriálalaš árvvuid. Son galgá leat oskkáldas lihtu beroštumiide ja barggadettiin álo vuhtii váldit dan mii lihttui lea buoremus.

Čállingoddejodiheaddji lea riikkastivrra/bargolávdegotti instrukšuvdnaválldi vuollásaš ja rapportere riikkastivrii ja bargolávdegoddái. Geavtlaš dilis lea NSR jodiheaddji čállingoddejodiheaddji lagamus hoavda. Riikkastivra / bargolávdegoddi galggá addit čállingoddejodiheaddjái dárbbalaš friddjavuođa doaimmahit beaivválaš barggaid vai eai heahttejuvvo dábálaš barggut.

Čállingoddejodiheaddji geatnegasvuohta lea veahkehit nuoraidlávdegotti sin barggus go sii dáhttot veahki. Čállingoddejodiheaddji galgá maid veahkehit válgalávdegotti sin barggus. Čállingoddejodiheaddji sáhtta maid bargat barggaid mat gullet Sámediggejovkui go NSR, joavku ja čállingoddejodiheaddji leat dan alde soahpan.

Čállingoddejodiheaddji ovddasvástádus lea fuolahit lihtu beaivválaš jodiheami, mearriduvvon strategiijaid, plánaid ja bušeahttaid ja eará stivramearrádusaid olis, dán stivreninstruvssa rámmaid siskkobealde.

Riikkastivra ja bargolávdeoddi sáhttet fápmudit čállingoddejodiheaddji mearridit sierranas áššiid dahje dakkár áššiid main ii sáhte riikkastivrra dahje bargolávdegotti mearrádusa vuordit almmá lihtu vahágahttima haga. Riikkastivrii dahje bargolávdegoddái galgá farggamusat muitaluvvot mearrádusa birra.

## 1.2 Eambo čállingoddejođiheadđji bargguid birra

Čállingoddejođiheadđji galgá bearráigeahččat ahte lihtu rehketdoallu lea lága ja lálkkaásahusaid mielde ja ahte ruhtahivvodathálddašeapmi lea ordnejuvvon govvtolaš ja oadjebas vuogi mielde.

Čállingoddejođiheadđji fuolaha NSR mielahttoriegistara ja galgá bagadallat ja čuovvut mielde mo báikkálaš searvvit fievrridit miellahttoregistariid.

NSR arkiiva lea čállingoddejođiheadđji ovddasvástádus.

Čállingoddejođiheadđji lea NSR neahttasiidduid doaimmaheadđji, ja vállje maid galgá almmuhit [www.nsr.no](http://www.nsr.no) neahttasiidduide. Doaimmaheadđji bearráigeahččá ahte artihkkalat, digáštallamat, guossegirjji čállosat, govat ja eará leat dakkár hámis ahte sáhttet almmuhuvvot neahttasiidduide.

Čállingoddejođiheadđjis lea dearvvašvuođa, birra ja sihkárvuodagažaldagaid ovddasvástádus čállingottis, dieđiha bargiud AA-registarii ja eret AA-registaris, vuolláičállá livnnetbáhpiriid ja eará almmolaš dokumeanttaid main ii dárbbas leat vuolláičállinvuoiggalačča vuolláičála.

Čállingoddejođiheadđjis lea ovddasvástádus ja geatnegasvuohta bargoroasmedáhkádusa, bákkolaš penšuvdnadáhkádusa ja stohpogálvodáhkádusa ordnet.

Čállingoddejođiheadđji ovddasvástádus lea šiehtadiid gálvo- ja bálvalusvuvdiiguin, nu go mat ráđđeaddiiguin/konsuleanttaiguin, web-buvttadedđjiiguin, dulkkaiiguin ja jorgaledđjiiguin, rehkedolliin, revisorain ja kanturteknihkalaš bálvalusaid vuvdiiguin ja eará.

Čállingoddejođiheadđji sáhtá evttohit Bargolávdegoddái makkár ođđa áššiid áiggošii oastit. Čállingotti jođiheadđji sáhtá oastit kantuvra- ja gulahallanreaidduid mearriduvvon bušehta siskkobealde.

Čállingoddejođiheadđjis lea fápmudus dohkkehit luohttámušolbmuid ja bargiud mátkerehkegiid, oktan buot lávdegoddiid mátkerehkegiiguin ja ordnet máksimiid rehkedallofitnodaga bálkulisttuid mielde. Jođiheadđji čállá vuollái čállingoddejođiheadđji mátkerehkegiid ja goluid. Čállingoddejođiheadđji galgá ovttasráđiid Baroglavdegottiin ráhkadit detáljabušehta ja ruhtadanplánaid mat gullet beaivválaš doibmi. Čállingoddejođiheadđji čállá vuollái buot eará rehkegiid mat bohtet ja fuolaha beaivválaš bušehtadárkkisteami.

Čállingoddejodiheddjiis lea, riikkastivrra addojuvvon prokura mielde, maid fápmudus geavahit buot NSR bájkkokonttuid, doaimma dárbbuid ektui.

Čállingoddejodiheddji ii sáhte maŋgeláhkái, iige goassege, máksit alces dahje lagaš fulkkiide ruđa mii ii leat fásta bálka/ruhtadeapmi almmá bajibučča čálalaš fápmudusa haga. Fápmudus galgá čuovvut rehkedoalu mielde mielddusin.

Čállingoddejodiheddji ii sáhte:

- čađahit oastimiid mat eai leat riikkastivrra mearriduvvon bušeahta siskkobealde, earret dalle go bargolávdegoddi dahje jodiheddji dan dohkkehit,
- oastit dahje vuovdit oamastemiid, earret billehuvvon/geavahuvvon kantuvrareaidduid, stohpogálvvuid dahje eará maid lihttu ii šat geavat,
- oastit dahje vuovdit fásta oamastemiid/eatnamiid,
- eará disposišuvnnaid čađahit mat lihtu doaimma mielde leat eahpedábálaččat dahje hui stuorrát/dehálaččat.

### **1.3 Stivraáššiid ráhkkaneapmi**

Čállingoddejodiheddji galgá ovttas jodiheddjiin čállit áššečilgehusaid, ráhkkanahttit ja bidjat áššiid riikkastivrra ovdii vai buot stivralahtut ožžot buori meannudan- ja mearridanvuođu.

Čoahkkingohččumiid ja buot áššiid dárbbášlaš dokumeanttaid galgá ordnet buori áiggemeari siskkobealde vai stivralahtuid ráhkkaneapmi šaddá buorre.

Čállingoddejodiheddji ja/dahje jodiheddji árvoštallamat ja mearrádusevttohusat galget leat mielde stivračoahkkima čoahkkingohččumis, dahje eará meannudanvuogi gohččumis, man jodiheddji lea mearridan.

### **1.4 Searvanvuoigatvuohta stivrii**

Čállingoddejodiheddjiis lea vuoigatvuohta ja geatnegasvuohta oassálastit riikkastivrra áššemeannudeamis ja lea cealkinvuoigatvuohta, jos riikkastivra ii leat mearridan eará juste dan áššis.

## **1.5 Čilgengeatnegasvuohta**

Čállingoddejodiheddji galgá poasttaid čállit jorunálii ja diedihit riikkastivrii makkár dieđut, reivvet ja eará bohtet organisašuvdnii. Čállingoddejodiheddji ja jodiheddji soahpaba buriid bargodábiid poastajournálaid ektui.

Čállingoddejodiheddji galgá 4 geardde jagis ráhkadit rehketdoalloraportta man sádde riikkastivrii cuoŋománu 10. beaivvi, suoidnemánu 10. beaivvi jnv. mas čilge lihtu boađusovdáneami bušeahta ektui.

Čállingoddejodiheddji ovddasvástádus lea vel čilget sierranas áššiid lagabuidda jos riikkastivra nu dáhttu. Dakkár čielggadeami sáhttet maid ovttaskas stivralahtut gáibidit.

## **1.6 Čállingoddejodiheddji ovddasvástádus stivramearrádusa čađahit**

Čállingoddejodiheddjis lea ovddasvástádus čađahit daid mearrádusaid maid riikkastivra dahká jos riikkastivra ii leat mearridan eará.